



# **basic education**

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SETSWANA PUO YA GAE (HL)**

**PAMPIRI YA BORARO (P3)**

**2021**

**KAEDI YA GO TSHWAYA**

**MADUO: 100**

**Kaedi e ya go tshwaya e na le ditsebe di le 14.**

**KAROLO YA A: RUBORIKI YA GO TSHWAYA TLHAMO – PUO YA GAE (MADUO A LE 50)****ELA TLHOKO:**

- Dirisa ruboriki ka gale fa o tshwaya tlhamo ya boitlhamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>DITENG LE IPAAKANYO</b>  (Tsibogelo le dikakanyo) -Thulaganyo ya dikakanyo tsa ipaakanyo -Temogo ya maithomo, baamogedi le bokao	<b>Maemo a a kwa godimo</b>	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		-Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhlang mogopololo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	-Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	-Tsibogelo ya tomagano e e sa tlhomamang -Dikakanyo tse di sa tlhapang e bile di se na boitlhamedi -Bosupi jo bonnye jwa thulaganyo le tomagano	-Tsibogelo e e seng maleba gothelele -Dikakanyo tse di tlhakatlhakaneng, di tlhoka tsepamo, di gasagane le go boelediwa -Ga e a rulagana e bile ga e a lomagana
<b>30 MADUO</b>	<b>Maemo a a kwa tlase</b>	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Tsibogelo e e manontlhhotlo, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	-Tsibogelo e e itumedisang, mme e latlhegelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	-Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	-Ga go na maiteko a go tsibogela setlhogo -Dikakanyo tse di seng maleba e bile di sa siama gothelele -Ipaakanyo e e sa tsepamang e bile e tlhakatlhakane

**RUBORIKI YA TLHATLHOBO YA TLHAMO YA PUO YA GAE [MADUO A LE 50] (TSWELETSO)**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>PUO, SETAELE LE GO TSELEGANYA/ RUNA</b>  -Segalo, rejisetara le setaele tse di maleba go maikaelelo/ ditlamorago le bokao -Tlhopho ya mafoko le tlolofoko -Tiriso ya puo le melawana: matshwao a puiso, thutapuo le mopeleto <b>15 MADUO</b>	<b>14–15</b>  -Segalo, rejisetara le setaele di maleba le maikaelelo a a tlhotheletsang baamogedi le bokao ka maemo a a kwa godimo -Puo e e tlhololo, e e itumedisang ka maemo a a tlhaolegileng le tlolofoko e e manontlhotlho ya maemo a a kwa godimo -Ga go na diphoso tsa tiriso ya puo le melawana ka gotlhe	<b>11–12</b>  -Segalo, rejisetara le setaele di maleba thata le maikaelelo, baamogedi le bokao -Puo e nonofile le tiriso le tlolofoko e tlamilwe ka matsetseleko -Bogolo jwa yona ga bo na diphoso tsa tiriso ya puo le melawana	<b>8–9</b>  -Segalo, rejisetara le setaele di maleba le maikaelelo, baamogedi le bokao -Tiriso e e maleba ya puo go tlhagisa bokao le tlolofoko e e tlhotheletsang tlhagiso ya diteng -Diphoso tsa tiriso ya puo le melawana ga di kgoreletsa bokao	<b>5–6</b>  -Segalo, rejisetara le setaele ga di maleba le maikaelelo, baamogedi le bokao -Tiriso ya puo ke ya maemo a motheo thata le tlolofoko e lekanyeditswe thata -Diphoso tsa tiriso ya puo le melawana di eta di kgoreletsa bokao	<b>0–3</b>  -Segalo, rejisetara le setaele bomaleba jwa tsona bo kwa tlase le maikaelelo, baamogedi le bokao -Puo ga e tlhaloganyesego le tlolofoko e nnye thata, mme e dira gore go nne thata go tlhaloganya -Diphoso tsa tiriso ya puo le melawana di thiba letsatsi
<b>Maemo a a kwa tlase</b>	<b>12–13</b>  -Segalo, rejisetara le setaele di dirisitswe ka manonthotlho -Puo le tlolofoko e e matsetseleko ya tlhotheletso e e nonofileng mo bokaong -Ga e na diphoso tsa tiriso ya puo le melawana ka gotlhe	<b>10</b>  -Segalo, rejisetara le setaele tse di siameng di nonofile -Puo le tlolofoko tse di ngokang e bile di nonofile ka kakaretso -Diphoso tse di mmalwa tsa tiriso ya puo le melawana	<b>7</b>  -Segalo, rejisetara le setaele di siame ka kakaretso le tiriso e e lekanyeditsweng ya malepa a tlhotheletso -Tiriso ya puo le tlolofoko tse di mo magareng, ka go tlhoka tsepamo -Diphoso tsa tiriso ya puo le melawana di dintsie	<b>4</b>  -Segalo, rejisetara le setaele ga di maleba gotlhelele -Tiriso e e bokoa ya puo le tlolofoko e e lekanyeditsweng tota -Diphoso tsa tiriso ya puo le melawana di dintsie	
<b>KAGEGO</b>  -Diponagalo tsa setlhengwa -Kago ya ditemana le go tlhangwa ga dipolelo <b>5 MADUO</b>	<b>5</b>  -Kago e e manontlhotlho ya tatelano ya dintlhana tse di tlhaolegileng -Dipolelo le ditemana di bopilwe bontlentle	<b>4</b>  -Kago e e latelanang ya dintlhana tse di lomaganeng -Dipolelo le ditemana di a latelana, di a farologana	<b>3</b>  -Kago ya dintlhana tse di maleba e bile di na le tlhaloganyo -Dipolelo le ditemana tse di bopilweng sentle	<b>2</b>  -Go na le dintlhaha dingwe tse di amogelesegang di santse di na le tlhaloganyo -Dipolelo le ditemana di fosagetse	<b>0–1</b>  -Dintlhaha tse di botlhokwa di a tlhaela e bile e tlhoka tlhaloganyo -Dipolelo le ditemana di fosagetse le go ipoeletsa.

**KAROLO YA B: RUBORIKI YA TLHATLHOBO YA SETLHANGWA SA TIRISANO [MADUO A LE 25]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>DITENG, THULAGANYO LE SEBOPEGO</b>  -Tsibogelo le dikakanyo -Kokoanyo ya dikakanyo gore go rulaganngwe Maitlhomo, baamogedi, diponagalo/melawana le tiriso  <b>MADUO 15</b>	<b>13–15</b>  -Tsibogelo ya maemo a a kwa godimo go gaisa se se lebeletseng ka gale le kitso e e tseneletseng ya diponagalo tsa mofuta wa setlhangwa -Diteng le dikakanyo tse di bottlhale, tse di gamogileng, di lomagane e bile di tshegetsa setlhogo -Tlhaloso ya maemo a a kwa godimo e bile dintlha tsotlhe di maleba thata. -Sebopego se se maleba gape se nepagetse	<b>10–12</b>  -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -Diteng le dikakanyo di lomagane, dintlha tse di thadisitsweng sentle gape di tshegetsa setlhogo -E tsepame – ga e a fapoga setlhogo -Sebopego se se lolameng ka diphoso tse dinnye	<b>7–9</b>  -Tsibogelo e e lekaneng e e bontshang kitso ya diponagalo tsa mofuta wa setlhangwa -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Go na le tsepamo e e rileng, mme kwalo e eta e fapoga mo setlhogong -Sebopego se se maleba ka kakaretso fela go na le go sa nepagale go go rileng	<b>4–6</b>  -Tsibogelo e e kwa tlase e e supang kitso ya diponagalo tsa mofuta wa setlhangwa -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Ga e a tsepama ka gotlhe, mme kwalo e fapogile setlhogo -Tiriso e e phatlhaletseng ya melawana ya sebopego	<b>0–3</b>  -Tsibogelo e senola go tlhoka kitso ya diponagalo tsa mofuta wa setlhangwa -Ga go na tomagano ya diteng le dikakanyo e bile ke dintlha di le mmalwa fela tse di tshegetsang setlhogo -Bokao jo bo kgoreletsegileng ka go fapoga setlhogo go go fetletseng -Ga go a dirisiwa melawana ya sebopego
<b>PUO, SETAELE LE GO TSELEGANYA/RUNA</b>  -Segalo, rejisetara le setaele, maitlhomo, baamogedi le tiriso -Tlhopho ya mafoko le tlotlofoko - Tiriso ya puo le melawana: matshwao a puiro, thutapuo le mopeleto  <b>MADUO 10</b>	<b>9–10</b>  -Segalo, rejisetara le setaele tse di maleba thatathata le maitlhomo, baamogedi le tiriso -Tlotlofoko e maleba thata e bile e bontsha kgolo -Tiriso ya puo le melawana e nepagetse ka kakaretso e bile e agegile sentle. Bogolo ga go na diphoso gotlhelele	<b>7–8</b>  -Segalo, rejisetara le setaele tse di maleba thata le maitlhomo, baamogedi le tiriso -Tlotlofoko e e siameng tota -Tiriso ya puo le melawana e nepagetse ka kakaretso e bile e agegile sentle. Bogolo ga go na diphoso	<b>5–6</b>  -Segalo, rejisetara le setaele di maleba le maitlhomo, baamogedi le tiriso -Tlotlofoko e e lekaneng - Go diphoso dingwe tsa tiriso ya puo le melawana fela diphoso ga di kgoreletse bokao	<b>3–4</b>  -Segalo, rejisetara le setaele di fosagetse go le gonne go maitlhomo, baamogedi le tiriso -Tlotlofoko e e lekanyeditsweng -Tiriso ya puo le melawana e e sa lolamang ka diphoso tse dintsi; bokao bo kgoreletsegile.	<b>0–2</b>  -Segalo, rejisetara le setaele ga di tsamaisane le maitlhomo, baamogedi le tiriso -Tlotlofoko ga e maleba le maitlhomo. -E phephetha ka diphoso tsa tiriso ya puo le melawana, e tlhakatlhakane gape bokao bo kgoreletsegile tota

## KAROLO YA A: TLHAMO

### POTSO 1

#### 1.1 **Tlhamo ya kanelo**

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Bosigo joo, bo ne ba nna bolele.**

**Dintlha tse di latelang di tshwanetswe go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana gentle, mme mmuisi a dumele gore di diragetse, le fa e ka tswa e se ditiragalo tsa nnene.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka bottlalo jaaka pono, modumo, monkgo le tiriso ya ditemosi tse dingwe.
- Bokhutlo e nne jo bo kgodisang.

**Se se lebeletsweng mo batlhathlweng:**

- A kwale ka ga setlhogo se a itlhophetseng sona.
- A tlhalose setlhogo.
- A tlhagise ditiragalo tsa bosigo joo.
- A tlhagise maikutlo a gagwe ka dilo dingwe le ditshwetso tse a di tsereng kwa bokhutlong jwa bosigo joo.
- A sobokane dintlha.

[50]

#### 1.2 **Tlhamo ya kanelo**

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Bopodi ba kgonwa ke ba ba dinaka.**

**Dintlha tse di latelang di tshwanetswe go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana gentle, mme mmuisi a dumele gore di diragetse, le fa e ka tswa e se ditiragalo tsa nnene.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.

- Kanelo e e atlegileng e bontsha diteng tse di maleba ka botlalo jaaka pono, modumo, monkgo le tiriso ya ditemosi tse dingwe.
- Bokhutlo e nne jo bo kgodisang.

**Se se lebeletsweng mo batlhatlhojweng:**

A kwale ka ga setlhogo se a itlhophetseng sona.

A tlhalose setlhogo ka botlalo.

A tlhagise dilo tsotlhhe tse a di boneng le tse a di utlwileng

A tlhagise maikutlo a gagwe ka ga batho ba ba itirileng diganka le bomaitsegotlhhe.

A sobokanye dintlhha.

[50]

### 1.3 Tlhamo e e sa tseyeng letlhakore

Mo tlhamong e, motlhatlhojwa o tlisa tekatekanyo mo matlhakoreng otlhe a dingangisano. O leba matlhakore otlhe a setlhogo a bo a tlhagisa dintlha tsa thulano a sa tseye letlhakore.

Motlhatlhojwa a ka tlhagisa ntlhakemo ya gagwe, mme go na le tekatekanyo ya dintlha tse di emeletlang setlhogo le tse di leng kgatlhanong le sona e bile di sekasekiwa mo tsamaong ya kwalo ya tlhamo.

Sekao sa setlhogo: **A ruriruri, botho bo santse bo le teng?**

**Dintlha tse di latelang di tshwanetswe go elwa tlhoko fa go tshwaiwa tlhamo e e sa tseyeng letlhakore:**

- Tlhamo e tlhagise matlhakore a le mabedi, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Tlhamo e tlhagisa dikakanyo gentle e bile o di tshegetse
- Dira gore go dumelanwe le wena gape o se ineele bonolo.
- Puo e tsose maikutlo, mme motlhatlhojwa a se ka a tlhoka maitseo.
- Popego e rulagane ka kelotlhoko le ka tlhomamo e lebeletse kemo ya botlhhe.
- Tlhamo e nne e e tswileng diatla go supa tlhaloganyo e e utlwilang.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumalana le e e tlhagisitsweng.
- Tlhamo ya mofuta o, e kwalwe ka pakajaanong.

**Se se lebeletsweng mo batlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo.
- A tlhagise dintlha tse di supang matlhakore a mabedi.
- A tshegetse matlhakore a mabedi ka dikao.
- A tlhagise matlhakore a mabedi mabapi le maitemogelo a gagwe ka mekgwa e e farologaneng ya botho.
- A sobokanye dintlha le go supa kemo ya gagwe kwa bokhutlong.

[50]

## 1.4 Tlhamo ya maitlhomo

Mo mofuteng o wa tlhamo, motlhatlhobjwa o leba kakanyo, a bo a tlhagisa maikutlo/tsibogo ya gagwe. Motlhatlhobjwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhomo a gagwe.

Sekao sa setlhogo: **Fa nka nna mogokgo wa sekolo sa rona ...**

**Dintlha tse di latelang di tshwanetswe go elwa tlhoko fa go tshwaiwa tlhamo ya maitlhomo:**

- Tlhamo ya maithomo e tsaya letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhobjwa.
- Dikakanyo/Megopolo/Maikutlo di tshwanetse go senola boammaaruri le maitemogelo.
- Tlhamo e kwalwe ka pakatlang.

**Se se lebeletsweng mo batlhobjweng:**

- A kwale ka ga setlhogo se a itlhophetseng sona.
- A motlhatlhobjwa a phutholole setlhogo.
- A tlhagise se a ka se dirang jaaka mogokgo.
- A tlhagise maitsholo a gagwe jaaka mogokgo wa sekolo.
- A tlhagise diphetogo tse a ka di tlisang mo sekolong jaaka mogokgo.
- Bokhutlo e nne jo bo sobokanyang maithomo e bile bo kgotsofatsa.

[50]

## 1.5 Tlhamo ya tlhaloso

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Botshelo bo fetogile! Dilo di dirwa ka inthanete kgotsa maranyane.**

**Dintlha tse di latelang di tshwanetswe go elwa tlhoko fa go tshwaiwa tlhamo ya tlhaloso:**

Motlhatlhobjwa o tshwanetse go bopa setshwantsho ka setlhogo se a se filweng.

Motlhatlhobjwa a tlhophe mafoko le tiriso ya mafoko a a bontshang maikutlo ka kelotlhoko go ntsha molaetsa sentle.

Go dirisiwe ditshwantsho, modumo le kutlo go tlhalosa mofuta o wa tlhamo sentle.

Puo ya botshwantshi e dirisiwe.

Motlhatlhobjwa a bontshe fa a na le maitemogelo mo setlhogong se.

**Se se lebeletsweng mo batlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo.
- A tlhagise dintlha tse di supang tlhotlheletso ya inthanete mo matshelong a bana.
- A tlhagise dikao go tshegetsa tlhagiso le maitemogelo a gagwe.
- A tlhagise ditlamorago tsa tiriso ya inthanete mo matshelong a bona.
- A supe ntlhakemo ya gagwe kwa bokhutlong.

[50]

1.6 **Tlhamo ya ngangisano**

Mo tlhamong e, motlhatlhojwa o tlhagisa kakanyo, ntlhakemo, mme o nganga ka maitlhomo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Tidimalo e go namola mo dikgotlhanny. Dumela kgotsa o ganetse tlhagiso e.**

**Dintlha tse di latelang di tshwanetswe go elwa tlhoko fa go tshwaiwa tlhamo ya ngangisano:**

- Motlhatlhojwa a simolole ka go tlhagisa ntlhakemo ya gagwe go bontsha boitshimoloedi.
- A neye mefutafuta ya dingangisano go tshegetsa ntlhakemo ya gagwe, mme a tlhalose se.
- Tlhamo e tlhagise letlhakore le le lengwe, mme dikakanyo di tlhagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang e bile e pateletsa mmuisi go dumelana le tse di tlhagisitsweng.
- Tlhamo ya mofuta o e kwalwe ka pakajaanong.

**Se se lebeletsweng mo batlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo le tlhagiso ya ntlhakemo ya gagwe.
- A bolele ntlhakemo ya gagwe, mme a e dibele ka bosupi jo bo rileng.
- A tlhagise maitemogelo le ditlamorago tsa ntlhakemo ya gagwe.
- A tlhagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tlhagise tshikinyo ya se se ka diriwang go rotloetsa ntlhakemo ya gagwe.

[50]

## 1.7 Ela tlhoko:

Tshedimosetso e e latelang e dirisiwe go tshwaya potso ya setshwantsho e bong, 1.7.1 le 1.7.2, e e ka nnang tlhamo ya kanelo kgotsa ya tlhaloso.

### 1.7.1 Tlhamo ya tlhaloso

le

1.7.2 Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho**.

### Dintlha tse di latelang di tshwanetswe go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko.
- Motlhatlhojwa a tlhophe mafoko le tiriso ya mafoko a a bontshang maikutlo ka kelothoko go gorosa molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhatlhojwa a bontshe fa a tlhaloganya setshwantso.

### Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho**.

### Dintlha tse di latelang di tshwanetswe go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka bottlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe go elwe tlhoko gore mofuta o wa tlhamo o a anela.

**Se se lebeletsweng mo batlhathojweng:**

- Setlhogo se nyalane le setshwantsho se a se itlhophetseng.
- A tlhalose ka ga setlhogo.
- A tlhagise ditiragalo tse di amanang le se se tlhagelelang mo setshwantshong.
- Tiriso ya mafoko a a tlhagisang pono, modumo le kutlo go tlhalosa se se diragalang mo setshwantshong.
- A supe boitshimololedi.
- Thotloetso go baagi go rotloetsa kgotsa go efoga se se diragalang mo setshwantshong.
- Bokhutlo bo supe maikutlo a gagwe.

**[50]**

**PALOGOTLHE YA KAROLO YA A: 50**

**KAROLO YA B: DITLHANGWA TSA TIRISANO****POTSO 2****2.1 LEKWALO LA BOTSALENO**

Lekwalo la botsalano ke le le kwalelwang motho mongwe yo o rileng, e ka nna wa lesika kgotsa tsala go tlhaeletsana jaaka go leboga, itsise, kopa, keleletsomasego, jalojalo.

**Dintlha tse di tshwanetsweng go elwa tlhoko fa go tshwaiwa lekwalo la botsalano:**

- Lekwalo le, le le khutshwane le neela dintlhakgolo ka se o buang ka ga sona. Palo ya mafoko a lona ke 180-200 diteng fela.
- Le supe maikutlo a mokwadi fela le se ka la teba thata.
- Le se ka la nna le diphoso tsa mofuta ofe.
- Le fe tshedimosetso ya se go buiwang ka ga sona.
- Aterese ke ya mokwadi fela.

**Se se lebeletsweng go tswa mo batlhahojweng:**

- Aterese e nne nngwe, ya mokwadi.
- Ditumediso di kwalwe.
- A tlhagise maitemogelo a gagwe ka ga karo.
- A tlhagise tshegetso e a tlaa mo neelang yona.
- A tlhagise dintlha tsa thotloetso le dikgakololo mabapi le mokgwa o o siameng wa go tlhokomela motsadi yo o lwalang.
- Bokhutlo e nne jo bo maleba.

[25]

**2.2 LEKWALO LA SEMMUSO LA KOPO**

Lekwalo la semmuso ke le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe; a ka ngongorega, a akgola kgotsa a gomotsa mo maemong a mangwe.

**Dintlha tse di tshwanetsweng go elwa tlhoko fa go tshwaiwa lekwalo la semmuso la kopo:**

- Lekwalo le, le le khutshwane le na le dintlhakgolo ka ga se se batliwang kgotsa se se kopiwang. Palo ya mafoko a lona ke 180-200 diteng fela.
- Le se ka la nna le diphoso tsa mofuta ofe.
- Le nne le tshedimosetso ya se go buiwang ka ga sona.
- Diaterese di nne pedi, ya mokwadi le ya moamogedi.
- Le nne le dinomoro tsa mogala kwa mokwadi a ka fitlhelelwang gona.

**Se se lebeletsweng go tswa mo batlhahojweng:**

- Aterese ya mokwadi le ya moamogedi.
- Setlhogo sa lekwalo le ditumediso di kwalwe.
- Thadiso ka ga ditiragalo tsa bosenyi ka botlalo.
- Tlhagiso ya dikgwetlho tsa baagi le ka moo ba amegang ka teng.
- Tlhagiso ya kopo ya tharabololo ya bothata ka botlalo le ka boikobo.
- Bokhutlo e nne jo bo maleba ka se se sololetseng.
- Tlhagiso ya leina/ditlhakaina le sefane. Dinomoro tsa mogala.

[25]

## 2.3 LENANEOTEMA LE METSOTSO

Lenaneotema le metsotso ke karolo ya botlhokwa ya go tlhaeletsana. Ke kitsiso le kgobokanyo ya dintlhakgolo tse go tlileng go buiwa ka ga tsona mo kopanong e e rileng. E thusa batlapitsong go itse se ba se bilediwang le gore ba tle ba ipaakantse.

**Dintlha tse di tshwanetsweng go elwa tlhoko fa go tshwaiwa lenaneotema le metsotso ya kopano:**

- Taletso ya kopano e e nang le tshedimosetso ka ga letlha, lefelo, nako e tshwanetse go kwalwa.
- Letlha le lenaneotema le tswang ka lona le se ka la atamelana le letlha la kopano.
- Dintlha tsa kopano di ka nna teng gore lenaneotema le se ka la fetolwa ka nako ya kopano.
- Metsotso e tlhagise ka boripana ditshwetso tse di tshotsweng ka ga dintlha tse di tlolilweng.
- Dintlha tsa metsotso di nyalane le lenaneotema.
- Kwala metsotso ka pakapheti.
- Palo ya mafoko a lenaneotema le metsotso e nne 180–200 diteng fela.

**Se se lebeletsweng go tswa mo batlhathlhojweng:**

- Tlhagisa leina la sekolo kwa godimo ga lenaneotema.
- Kwala letlha le lenaneotema le tswang ka lona.
- Dintlha tsa se se tlaa buiwang kwa kopanong, di rulaganngwe ka botlhokwa jwa tsona.
- Nako, letlha le lefelo la kopano di tlhagisiwe mo lenaneotemeng.
- Metsotso e nne le setlhogo se se tllhagisang leina la sekolo.
- Tlhagisa letlha, nako le lefelo le kopano e tshwerweng ka lona.
- Tlhagisa dintlha tse di tshotlhilweng kwa kopanong.
- Tlhagisa tshobokanyo ya se se tshikintsweng le se go dumalanweng ka sona.
- Letlha la kopano e e latelang le tlhagisiwe.
- Motsekletso ka modulasetulo, mokwaledi le letlha

[25]

## 2.4 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa yona ke sa dipotsotherisano fela ona o dirisiwa gongwe le gongwe ke mongwe le mongwe.

**Dintlha tse di tshwanetsweng go elwa tlhoko fa go tshwaiwa mmuisano:**

- Tlhagiso ya mmuisano magareng ga mogokgo le motsadi mabapi le go ima ga morutwana.
- Mmuisano o kwalwa ka mokgwa o moterama a kwalang ka ona.
- Go nna dibui di le pedi kgotsa go feta.
- Dipolelo tsa dibui di nne dikhutshwane.

- Diteng di supe boithamedi, kelelo ya dintlha le go tsamaelana ga ditiragalo. Palo ya mafoko a ona ke 180–200 diteng fela.
- Maina a dibui le maemo a morutwana a tlhagelele sentle.
- Matseno, mmele le bokhutlo di dirisiwe sentle. Kgang e e bontshe, tshimologo, setlhoa le tharabololo.
- Puo le moono di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

**Se se lebeletsweng go tswa mo batlhatlhøjweng:**

- Tlhagiso ya mmuisano magareng ga mogokgo le motsadi mabapi le maemo a go ima ga morutwana.
- Mmuisano o tote kgang ya seemo se se tlhagelelang mo setshwantshong.
- Dikgang di supe matshwenyego, thotloetso le tharabololo.
- Puo e nne e e tlhamaletseng.
- Bokhutlo e nne jo bo lebeletsweng.

[25]

## 2.5 THADISO

Thadiso ga se gantsi e latela mokgwa o o rileng wa go kwala. Thadiso e leka go nna le nneta le go se gobelele; e e sa siamang e tlhagelele go le gantsi fa mokwadi a thuba pelo, a dira ditshwaelo tsa bokgopo/tšakgalo.

**Dintlha tse di tshwanetsweng go elwa tlhoko fa go tshwaiwa thadiso:**

- Setlhogo se tlhagise leina la setswhantsho.
- Tsibogo ya mong ka ga botshwantshi le ditshwantsho.
- Go neelana ka tshedimosetso e e maleba, sk:  
Leina la mokwadi, motlhagisi, motaki, setlhogo sa setshwantsho, leina la mophasalatsi, setlamo se se tlhagisang mmogo le tlhotlhwa (fa go le maleba).
- Maikaelelo a go neela tshedimosetso kgotsa go tsosa kgatlhegelo ka ga setshwantsho se a se bogetseng.
- Ga go na popego e e tshwanetseng go salwa morago.
- Palo ya mafoko a yona e nne 180-200 diteng fela.

**Se se lebeletsweng go tswa mo batlhatlhøjweng:**

- Tlhagiso ya setlhogo sa setshwantsho, mokwadi, baphasalatsi, modiragatsimogolo, tlhotlhwa le gore e bonwa kwa lefelong lefe la ditshwantsho.
- Tlhagiso ya setshwantsho se se thadisiwang.  
Tlhagiso ya morero le ditiragalokgolo.
- Thadiso e nne le nneta e bile e se gobelele.
- Mothadisi a tseye tshwetso le go naya maikutlo a gagwe.
- Thadiso e nne le kgogedi.

[25]

## 2.6 TSA BOTSHELO JWA MOSWI

Tsa botshelo jwa moswi ke tshedimosetso ka botlalo fela e le khutshwane ka ga botshelo jwa yo o tlhokafetseng.

**Dintlha tse di tshwanetsweng go elwa tlhoko fa o tshwaya tsa botshelo jwa moswi:**

- Neelana ka tshedimosetso e ntsi ka moo o ka kgonang ka teng fela e nne maleba.
- Tlhagisa tshedimosetso e e tletseng ka dintlha tse di latelang: Leina la moswi, letlha la matsalo, boemo jwa tsalo. Batsadi, boagi, dithutego, tiro.
- Seabe sa gagwe mo setšhabeng (fa go tlhokega), kemo ya nyalo (fa a nyetswe), sebakwa sa loso.
- Phefofatso e dirisiwe mo go kgonegang.
- Palo ya mafoko a bona e nne 180–200 diteng fela.

**Se se lebeletsweng go tswa mo batlhatlhojweng:**

- Leina la moswi, maemo a gagwe a tsalo mo lapeng le maina a batsadi ba gagwe ka botlalo.
- O tshotstswe leng kwa kae?
- Dikolo tse a di tseneng.
- Maemo a nyalo le bana.
- Tlhagiso ya lethla le a tlhokafetseng ka lona le se se bakileng loso.
- Tlhagiso ya dintlha dingwe ka boripana ka ditiro tsa moswi tse ba lelapa, ditsala le baagi ba ka mo ikgopotsang ka tsona.
- Mafoko a go robatsa moswi ka kagiso.
- Leboko la kgotla ya moswi le ka tsenngwa fa go tlhokega.

**ELA TLHOKO:** Morutwana a kwale ka ga moswi e seng ka ga motshedi.

[25]

PALOGOTLHE YA KAROLO YA B: 50  
PALOGOTLHE YA TLHATLHOBO: 100